



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm|| Maii Et Ivnii

Surius, Laurentius

Coloniae Agrippinae, 1576-

VD16 S 10258 - 10263

Pio Et Candido Lectori S.

[urn:nbn:de:hbz:466:1-77393](https://nbn-resolving.de/urn:nbn:de:hbz:466:1-77393)

PIO ET CANDIDO

LECTORI S.



Lib. 3. ca. 6.

i. Mach. 2.

Heb. 11.

Vnde plus moueant, fortiusq; ad Christianam pietatem extimulent exempla quam verba, pleniusq; sit opere docere, vt inquit Magnus ille Leo Pontifex, quam verbo, testantur tam multi sancti & eruditissimi Patres, qui Sanctorum vtriusque sexus hominum Vitas describendas sibi sumperserunt, & cum ineffabili fructu ad posteritatis notitiam transmiserunt. Non enim ex D. Augustini Confessionibus, quantum illi adhuc vacillanti contulerit audita vita beatissimi Antonij Eremitae: nec dubium, quin innumeris alijs idem euenerit. Nostri instituti primus author & patriarcha Dominicus, Patrum exemplis summo per delectatus, ad supremam vitæ spiritualis & religiosæ perfectionem peruenit. D. Thomas Aquinas, sui patris Dominicî vestigis insitens, eiusmodi lectione haud vulgariter afficiebatur: nec id sanè absque ingenti fructu. Quid si verò his solidiora petimus, non desunt nobis ne ipsius quidem scripturæ diuinæ testimonia. Iesus Syrach à cap. 44. usque ad quinquagesimum primum in suo Ecclesiastico quid aliud, quam Sanctorum, qui in hac vita a Deo placuerunt, exempla commemorat, eaq; nobis ob oculos spectanda & imitanda proponit? Matathias ille legis eximus zelator cùm ab hac vita effetabiturus, filios suos nulla re alia magis, quam recitandis Patrum gestis, ad agendum fortiter pro Deo eiusq; sanctissimis legibus exhortatur & confirmat. Sed & in novo Testamento D. Paulus prolixus est in precedentium sanctorum Patrum celebranda fide. Possent huius generis permulta alia adduci: sed res per se adeò illustris & perspicua est, vt superuacanum videri possit illi docendae rationes & argumenta adhibere. Itaque non possum non approbare, atque etiam commendare tam pius studium R. Patris D. Laurentij Surij Carthusiani, qui non paruo labore has Sanctorum Vitas ex diversis autoribus & egregijs manuscriptis exemplaribus colligit, & tanquam rarum quendam thesaurum Catholicæ Ecclesiæ hominibus contulit: quam spectabilis viri D. Gernini Licentiati vtriusque Iuris diligentiam & sedulitatem, tum inponenda sua in MS. exemplaribus conquirendis opera, tum in excudendo opere tam pio & Ecclesiæ salutari. Tu itaque his fruere, Lector amice, nibil ambigens, quin eorum lectio non solum detrimentum nullum aut perniciem, sed ingentes potius & vberrimos tibi sit fructus allatura. Vale.

F. Theodoricus Buscoducensis, fratrum
Dominicanorum intra Coloniam Prior
& Apostolicus Inquisitor.

INDEX